

Go hlohleletša ntwa kgahlanong le Dikgaruru tše di Theilwego go Bong le Dipolao tša Basadi (GBVF) ka Polelong ya gagwe ya Maemo a Setšaba go Palamente, Mopresidente Cyril Ramaphosa o tšweleditše thekgo ya gagwe go Kholofetšo kgahlanong le GBVF yeo banna ka moka ba tla ikgafa go fedisa dikgaruru kgahlanong le basadi.

KHOLOFETŠO YA BANNA BA AFRIKA BORWA GO FEDIŠA DIKGARURU TŠEO DI THEILWEGO GO BONG LE DIPOLAO TŠA BASADI

BJALO KA MONNA, KE IKGAFANA NAKO LE NAKO GO:

1. Swara basadi ka moka ka go lekana.
2. Swara mosadi bjalo ka motho, e sego bjalo ka selo goba leroou.
3. Thekga mosadi kudu ka moo nka kgonago gomme ke kgathe tema ya ka go hlohlia setšo sa go kata le go emiša mokgwa ofe goba ofe wa go hloka toka, tlhoriso goba dikgaruru kgahlanong le basadi.
4. Kgala banna ba bangwe ka maitschwaro a bona ao e sego a maleba goba ditshwayotshwayo tše di sego tša maleba go basadi.
5. Hlompha basadi ka ge le nna ke emetše gore batho ba bangwe ba nhlompho bjalo ka monna ka gore tlhompho, tekatekano, le ditokelo tša batho tša Maafrika Borwa ka moka di swanetše go phethagatšwa.
6. Go ba mohlala ka go ruta bašemanek a lapeng la ka le setšhabeng sa gešo gore go tšweletša maikutlo a bona ga se leswao la bofokodi, gore dikgaruru ga se tsela ya go rarolla thulano le gore basadi ba swanetše go swarwa ka tlhompho.
7. Go swara basadi ba bangwe ka moo nka ratago mma wa ka, sesi wa ka, goba morwedi wa ka ba swarwa ka gona.
8. Thekga polokego le go phela gabotse ga bana gomme ke šome ka mafolofolo kgahlanong le mekgwa ka moka ya tlhoriso le dikgaruru.
9. Kgala le go phosolla maitschwaro ao e sego a maleba ao a dirwago ke batho ba bagolo go bana le bagwera ba bona.

BJALO KA MONNA, KE IKGAFAGO SE TSOGE KE:

1. Emišetša mosadi letsogo.
2. Go tšošetša, go bea kotsing, goba go nyenyeftša mosadi ofe goba ofe, e ka ba ka sebele, ka molomo, maikutlo goba thobalano, goba go dumelela motho mang le mang go dira seo.
3. Go phatlalatša ditaba tša maaka ka basadi goba go akanya se sengwe le se sengwe ka mosadi ka seo a se aperego.
4. Go dira gore mosadi a ikwe a se a hlomphiwa ka tebelelo ya ka, mantšu goba ditiro tša ka goba go mo dira gore a ikwe a se a lokologa ge ke le gona..
5. Go kgwathha mosadi mmeleng le/goba go mo kgwathha ka thobalano ntle le tumelelano ya gagwe goba go mo gapeletša go dira se sengwe seo a sa ratego go se dira.
6. Go hlohleletša goba go se bolele selo ka dikgaruru tše di theilwego go bong.
7. Go tlogela maikarabelo a ka bjalo ka papa, ge ke na le bana.
8. Go šomiša maemo a ka ka gae, mošomong le dikgobeng tše dingwe tša leago go nyatša ditokelo le tlhompho ya basadi
9. Dira ngwana go kwa a se a bolokega goba a sa lokologa ge ke le gona, ge ke bolela le yena goba ka ditiro tša ka..
10. Go bolela le ngwana ka ditaba tše di sego tša maleba goba go tsenatsena ditaba tša gagwe.

Saena khlofetšo mo:



REPUBLIC OF SOUTH AFRICA

LEAVE NO
ONE BEHIND